

PHILO WONG A YENA SALA CU 2400 PERSONA

ORANJESTAD (AAN): Philomena Wong a surpasa su mes den su presentacion na Olter-opera na Frankfurt, Alemania, durante di e Frankfurter Buchmesse.

Dilanti di un sala "sold-out" contando cu 2400 persona e conocida poeta y declamadora Philo Wong a sabi di gara e atencion total di e publico, declamando na Papiamento, mientras cu ariba escenario (stage) su

tras tabatin un screen (pantalla) grandi cu e traduccion di e poesia na aleman.

Philomena a forma parti di e elenco distingui di poetanan renombra di Hulanda kendenan a presenta despues cu e escritor Harry Mulisch a haci e apertura..

Durante siman Philomena Wong a forma parti tambe di panels organisa pa PEN International Woman's Writers Organisation, tratando diferente topico relaciona cu skirbimento y publicacion.

Aruba hunto cu Antiyas a comparti un stand comercial di obranan publica na Aruba y Antiyas y tocante Aruba y Antiyas cualnan a wordo publica den exterior.

Minister Hirsch Ballin, compañía pa director di KABNA, sr. van Weringen a muestra hopi atencion y a pasa un tempo largo den e stand combina, cual tabata situa den e seccion di editorialnan grandi di Hulanda.

E interes tabata grandi den e visitantenan y e escritor-nan hulandes mes. Den planificacion y estudio tin tres obra pendiente di Aruba pa wordo traduci na aleman, y un co-produccion di un prentenboek na papiamento.

Frankfurter Buchmesse un exito total pa mundo literario di Aruba, Philomena Wong orguyo nacional den mundo literario arubiano!